

Kekalkan terus hubungan erat demi kejayaan

BALING, Sabtu — Perdana Menteri, Datuk Seri Dr. Mahathir Mohamad menggesa rakyat mengekalkan bentuk kerjasama yang erat seperti yang dibuktikan dalam pilihanraya umum lalu.

"Kerjasama luar biasa di antara ahli parti komponen Barisan Nasional telah melahirkan kejayaan yang tidak pernah dicapai oleh parti itu sejak negara ini merdeka," kata Datuk Seri Dr. Mahathir di majlis kesyukuran Barisan Nasional Baling, di perarangan Dewan Tun Abdul Razak.

Lawatan Perdana Menteri itu adalah sebagai menunaikan janji peribadi yang beliau akan mengunjungi Baling berjaya.

Turut hadir ialah Datin Seri Dr. Siti Hasmah; wakil Menteri Besar, Datuk Haji Othman Aroff; ahli parlimen Baling, Haji Saroji Harun, ADUN Bayu, Raja Ariffin Sulaiman; ADUN Kupang, Encik Zainol Mat Isa.

Kira-kira 10,000 penduduk Baling mambanjiri perarangan dewan itu.

Menurut Datuk Seri Dr. Mahathir para pemimpin politik serta pegawai Kerajaan patutlah berbincang sesama

Oleh
TAJUDDIN SAMAN

sendiri mencari jalan mengekalkan bentuk kerjasama yang pernah dicapai dalam tempoh pilihanraya lalu.

"Kerjasama seumpama itu ternyata telah membawa kejayaan dan faedah yang besar kepada rakyat.

"Jadi, kenapa tidak kita kekalkannya sebagai cara hidup kita selama-lamanya," tambah Perdana Menteri.

Beliau mengesyorkan setiap rakyat menghidupkan kerjasama sedemikian dalam semua bidang pekerjaan sehari-hari, sama ada dalam urusan perniagaan, perdagangan dan sebagainya.

Cara ini juga, katanya, boleh mencapai antara tujuan penting dasar Ekonomi Baru, yakni untuk melenyapkan perbezaan kelompok kerja bagi sesuatu kaum.

Mengenai pelawaannya kepada PAS untuk menyertai BN, Datuk Seri Dr. Mahathir berkata, "Apa boleh buat, orang tidak suka. Tidak tahu saya kalau orang Islam tidak suka bersatu padu."

Bahan asal dari Arkib
Negara Malaysia